

Na osnovu člana 4. i člana 8. Zakona o koncesijama Zeničko-dobojskog kantona ("Službene novine Zeničko – dobojskog kantona", broj: 5/03) i člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 07/10), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 20. sjednici održanoj dana 24.07.2015. godine, d o n o s i

ODLUKU

o pristupanju provođenja procedure dodjele koncesije za izgradnju male hidroelektrane MHE „Petrovići“ na rijeci Stupčanici, na području općine Olovo

Član 1.

(Provođenje procedure dodjele koncesije za MHE „Petrovići“)

Pristupa se provođenju procedure dodjele koncesije za izgradnju male hidroelektrane MHE „Petrovići“ na rijeci Stupčanici, na području općine Olovo, na osnovu utvrđenog javnog interesa. Lokacije objekata male hidroelektrane „Petrovići“ snage 1.555 kW iz stava 1. ovog člana, nalaze se na rijeci Stupčanici i to na parcelama označenim kao k.č. 1378, 573, 574, 614 i 615 u K.O. Petrovići, općina Olovo.

Član 2.

(Opšti eliminacioni kriteriji)

Opšti eliminacioni kriteriji za izbor najpovoljnije ponude za dodjelu koncesije iz člana 1. ove odluke su:

- Dokaz o uspješnom poslovanju ponuđača u posljednje tri poslovne godine,
- Dokaz o uredno izmirenim porezima i doprinosima,
- Idejni projekat i Studija o ekonomskoj opravdanosti koncesije sa procjenom u cilju zaštite okoliša,
- Garancija banke na iznos minimalno 20% od ukupne investicije, definirane u Studiji o ekonomskoj opravdanosti koncesije, ili bjanko mjenica sa mjeničnom izjavom,
- Dokaz o izmirenim obavezama po postojećim koncesionim ugovorima.

Član 3.

(Posebni kriteriji za ocjenjivanje ponuda)

Posebni kriteriji za izbor najpovoljnijih ponuda za dodjelu koncesija za izgradnju male hidroelektrane iz člana 1. ove odluke su:

- Minimalni iznos tekuće koncesione naknade je 10% (deset posto) od ukupnog prihoda male hidroelektrane, a najviše po ovom kriteriju: 60 bodova
- Minimalni iznos jednokratne koncesione naknade za MHE „Petrovići“ iznosi 82.620,00 KM (slovima: osamdesetdvijehiljadešeststotina konvertibilnih maraka), a najviše po ovom kriteriju: 20 bodova
- Ulaganja u infrastrukturu MZ Petrovići minimalno 80.000,00 do 100.000,00 KM, a najviše po ovom kriteriju: 10 bodova
- Učešće domaćih privrednih društava u izvođenju radova, koje će koncesionar angažovati je minimalno 50%. a najviše po ovom kriteriju: 10 bodova

UKUPNO: 100 bodova

Član 4.
(Vrijeme na koje se daje koncesija)

Vrijeme na koje se daje koncesija je 30 (trideset) godina, računajući od dana početka korištenja koncesije, odnosno početka proizvodnje električne energije.

Član 5.
(Preuzimanje tenderske dokumentacije)

Preuzimanje tenderske dokumentacije vršiće se uz prezentaciju dokaza o uplati naknade za učešće na javnom oglasu u iznosu od 1.000,00 KM (slovima: hiljadu konvertibilnih maraka).

Član 6.
(Javno prikupljanje i evaluacija ponuda)

Zadužuje se Ministarstvo za poljoprivredu, šumarstvo i vodoprivredu da putem Komisije provede postupak javnog prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj: 5/03) i predloži Vladi najpovoljnijeg ponuđača.

Član 7.
(Stupanje na snagu)

Ova Odluka stupa na snagu danom donošenja a objavit će se u "Službenim novinama Zeničko-dobojskog kantona".

Broj: 02-25-14833 /15.
Datum, 24.07.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo za prostorno uređenje, promet i komunikacije i zaštitu okoline,
1x Ministarstvo finansija,
1x "Službene novine Zeničko-dobojskog kantona",
1x a/a.